




ՊԱՇՏՈՆԱԿԱՆ

ԳԷՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱ-
սանելի Կամօքն Աստուծոյ Եպիսկոպոսապետ եւ Կաթու-
ղիկոս Ամենայն Հայոց Ծայրագոյն Պատրիարք Համագգա-
կան Նախամեծար Աթոռոյ Արարատեան Առաքելական
Մայր Եկեղեցւոյ Սրբոյ Կաթողիկէ Էջմիածնի:

Նորին Վսեմափայլութեան Քաղաքագլխոյն Պետրո-
գրադի՝ Հօֆմէյստեր Պալատան Նորին Կայսերական Մե-
ծութեան՝ Կոմս Իվան Իվանովիչ Տօլստոյի ողջոյն Քրիս-
տոսաւանդ եւ օրհնութիւն Հայրապետական:

Յայտնի է Վսեմափայլութեան Զերում պատմական
կացութիւն անցելոյ եւ ներկայիս Ազգիս Հայոց: Յընթաց
դարուց ընդ ծանր լծով Տաճիկ կառավարութեան բազմա-
չարչար հօտն իմ զրկեալ ի հասարակ իրաւանց մարդկայ-
նոց, զապահովութենէ ասեմ պատուոյ, կենաց եւ ընչից
իւրոց, ոչ կարէր խորհել ազատաբար եւ գործել անդորր
հոգւով վասն ազգային յառաջդիմութեան իւրոյ եւ վերա-
ծնութեան: Իսկ այժմ տարաբախտ հոգևոր զաւակունք

իմ տառաւել ևս անդթարար հալածին և տանջին՝ անգէն, անպաշտպան ի ձեռն աւաղակարարոյ քրդաց և տաճիկ պաշտօնէից, որք ոչ անխային մինչ իսկ յանօգնական կահայս և յանմեղ մանկունս, յորոց յափշտակեալ բազումս, կրօնափոխ առնեն բռնութեամբ և դանիւ:

Եւ զայսպիսի գազանութիւնս և զանգթութիւնս, զորս գործեն ընդ անգէն և անպաշտպան քրիստոնեայ ժողովրդեան, արդարացուցանեն այնու, եթէ Հայք համակիրք և աջակիցք հանդիսանան Մեծին Ռուսիոյ և սմին Դաշնակից պետութեանց:

Ի ժամ ծանրագոյն փորձութեանց և հալածանաց, յարուցելոց ի վերայ հօտին իմոյ, Դուք, Վսեմափայլ Տէր, ընդ արժանաւոր ներկայացուցիչս Ինքնավարութեան Պետրոգրադ Մայրաքաղաքիդ, հաճեցայք հասանել յօգնութիւն, նուիրաբերելով զյիսուն հազար ռուբլիս յօգուտ փախստականաց մերոց, որք կորուսին զամենայն ինչս՝ զտունս, զստացուածս, իսկ բազումք ի սոցանէ նաև զսիրելիս իւրեանց:

Յայդ նուիրաբերեալ գրամոց ընկալայ ի Գանձապահէ պ. Յակովբայ Յովսէփեան Առեկասեանէ զքառասուն և զեօթն հազար (47000) ռուբլիս:

Բարի ուշադրութեամբ և քրիստոնէական գործով ցուցիք տառապելոց և նեղելոց զմարդասէր վերաբերմունս Ձեր և ոչ թողիք առանց խնամոց զվիրաւորս ի ձեռաց աւաղակաց, այլ, ըստ օրինակի ողորմած Սամարացոյն, որ ի Սբ. Աւետարանի, եղիք սպեղանիս նիւթականս և բարոյականս ի վերայ անթիւ վիրաց բազմաչարչար ժողովրդեան Հայաստանեայց:

Ձայս քրիստոնէական և զմարդասէր գործ պատկառելի քաղաքային Դումայի Մեծի Մայրաքաղաքիդ՝ ընդ արժանաւոր և հեղինակաւոր նախագահութեամբ Ձերով, ոչ երբէք տաց ի մոռացունս, զի ելից զսիրտս համայն Հայոց զգացմամբ երախտագիտութեան առ Ձեզ և առ քրիստոսասէր ժողովուրդն Ռուսաց:

Վասն որոյ՝ Մեք Ծայրագոյն Պատրիարք, Կաթողի-

կոս Ամենայն Հայոց և Պետ Առաքելական Եկեղեցւոյս Հայաստանեայց, այսու Հայրապետական Կոնդակաւս յայտնեմք Ձերումզ Պայծառափայլութեան ի ձեռն Ձեր ամենայն արժանընտիր անդամոց Ինքնավարութեանն Մայրաքաղաքիդ՝ զսրտագին շնորհակալիս Մեր և համայն հօտին Մերոյ, օրհնելով զամենեւեանդ և մաղթելով ի Տեառնէ Մեծարգոյ անդամոց քաղաքային Դումայի կար և զօրութիւն, իմաստութիւն և կորով բարոյական՝ յօգուտ և ի փառս Մեծին Ռուսիոյ:

Ողջ լերուք, զօրացեալ շնորհօք Ս. Հոգւոյն և յաւէտ օրհնեալ ի Մէնջ. Ամէն:

Ի 5 յունիսի 1915 ամի

և ըստ Տոմարիս ՌՅԿԴ.

Ի Հայրապետութեան Մերում Դ. ամի

յՍրարատեան Մայր Աթոռ ս. Էջմիածնի

Ի Վաղարշապատ

թ. 967

ԳԵՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱ-
սանելի Կամօքն Աստուծոյ Եպիսկոպոսապետ եւ Կաթողիկոս Ամենայն Հայոց Ծայրագոյն Պատրիարք Համազգական Նախամեծար Աթոռոյ Արարատեան Առաքելական Մայր Եկեղեցւոյ Սրբոյ Կաթողիկէ Էջմիածնի:

Նորին Վսեմափայլութեան պատուաւոր Նախագահի Յանձնաժողովոյ Օգնութեան Հայոց՝ Քաղաքագլխոյն Պետրոգրադի՝ Հօֆմէյստեր Պալատան Նորին Կայսերական Մեծութեան Կոմս Իվան Իվանովիչ Տօլստոյի, Նոցին Գերագանցութեանց Նախագահի Դորին՝ Անդամոյ Պետական Խորհրդոյ Իսկական Գաղտնի Խորհրդականի Սենատօր Նիկոլայ Ստեպանովիչ Տազանցի և օգնականացն՝ Սենատօր Սերգէյ Վալինտիլիչ Իվանովի, Անդամոյ Պետական Խորհրդոյ ուսուցչապետ Ալէքսանդր Վասիլիւիչ Վասիլիւի, ուսուցչապետ Միխայէլ Իվանովիչ Ռոստովցի և

Պօղոս Յովսէփեան Ղուկասեանի, ողջոյն Քրիստոսաւանդ
և օրհնութիւն Հայրապետական:

Յաւուրս ծայրագոյն փորձութեանց, յորոց զնմանն
անհնարին է տեսանել ի համաշխարհային պատմութեան,
ուրախանամք յոյժ տեսեալ յամենայն կողմանս Մեծին
Ռուսիոյ զբարոյական միութիւն և զկորով, զհերոսական
քաջութիւնս և զկատարումն համապետական սլարտակա-
նութեանց ի փառս Մեծի Հայրենեաց մերոց: Հանդէպ ար-
հաւրաց և աղէտից առանձին միւլթարութեամբ հոգւոյ
տեսանեմք նաև զճշմարիտ գործս մարդասիրութեան և
քրիստոնէական բարոյականութեան, որք իրաւամբ յիշե-
ցուցանեն զսուրբ Բանս Փրկչին մերոյ Յիսուսի Քրիստոսի
առ մարդկութիւնն տառապեալ... «Եկայք առ իս ամենայն
վաստակեալք և բեռնաւորք և ես հանգուցից զձեզ»:

Ապաքէն, զբռնափ բազմաթիւ են այժմ թշուառք,
վաստակեալք և բեռնաւորք, ընդ զիսի բեռամբ բա-
րոյական և նիւթական զրկանաց տանջին բիւրաւոր մար-
դիկ և քանի՜ սոսկալի է և աննկարագրելի աւերումն շէն
քաղաքաց և գիւղօրէից և ոչնչացումն դարաւոր քաղաքա-
կրթութեան:

Առանձնապէս դժբախտացեալ կան բնակիչք քաղա-
քաց և գիւղօրէից, որք ի սահմանս մեծի պատերազմին
կան, որ վիճակեցաւ նաև համայն Տաճկա-Հայաստանի:
Յընթացս դարուց երկիրս այս ընդ ծանու լծով տաճիկ
կառավարութեան հեծէ, աւերի և իսպառ քայքայի տնտե-
սապէս, իսկ բազմաշարժար հօտն իմ, հանապազ զրկեալ
ի մարդկային տարրական իրաւանց, այժմ մատնեալ կայ
սոսկալի տանջանաց, զորս չէ մարթ ի գիր առնուլ: Բնւ է
յիշել աստ, զի վայրենաբարոյ քուրդք և տաճիկ սլաշտօ-
նեայք, զըզմամբ կառավարութեան տաճկաց, անգթաբար
կոտորեն զխաղաղ և զանգէն զքրիստոնէայ ժողովուրդն
Հայոց, ոչ խնայելով մինչև իսկ յանօգնական կանայս և
յանմեղ մանկունս, յորոց բազումս յափշտակեալ բռնու-
թեամբ ածեն ի մահմեդականութիւն:

Յայսոսիկ դառնաղէտ աւուրս, վիճակեալս հօտին

իմում, Դուք, ողորմած Տեարք, որպէս արժանաւոր ներկայացուցիչք Մեծի ժողովրդեան Ռուսաց, մարդասիրաբար հաճեցայք լինել նախաձեռնողք և կազմակերպիչք քրիստոնէական գործոյն յօգուտ և ի մխիթարութիւն տառապեալ փախստականաց Հայոց, հրաւիրելով զբնակիչս Պետրոգրադի օգնել նոցա:

Եւ ի հեղինակաւոր հրաւերն Ձեր և ներկայացուցչաց մամլոյ բնակիչք Մայրաքաղաքիդ, առանց խտրութեան կրօնի և ազգութեան, փութացին հասանել յօգնութիւն զրամով և իրեղինօք:

Յիւրումն ժամանակի ընկալայ ի Յանձնաժողովոյդ ձերմէ գեօթանասուն և գեօթն հազար (77000) ռուբլիս և բազում իրս և հանդերձեղէն յօգուտ գաղթականաց Հայոց:

Յոյժ զգացեալ ի բարի ուշադրութենէդ որպէս եո, նոյնպէս և ժողովուրդն Հայոց ոչ երբէք տաքուք ի մոռացոնս, եթէ շնորհիւ բարեացակամ կառավարութեան Ձերոյ և օժանդակութեան բարի անձանց՝ բազումք ի փախստական գաղթականաց Հայոց՝ ծերք և տղայք, կանայք և օրիորդք փրկեցան յանտանելի պայմանաց կենաց: Եւ որ առաւել զնահատելին է, Դուք, ողորմած Տեարք և բնակիչք Պետրոգրադի բարոյապէս մխիթարեցիք զհօտն իմ, որ յայսմ սլատմական վայրկենի ամենայն պատրաստակամութեամբ առաքէ զկամաւորս իւր ընդ քաջարի զօրաց Ռուսաց ընդդէմ թշնամեաց և կատարէ զսրբազան պարտիս իւր առաջի մեծի թագաւորին մերոյ և հայրենեաց:

Ուստի Մեք՝ Ծայրագոյն Պատրիարք, Կաթողիկոս Ամենայն Հայոց և Պետ Առաքելական Եկեղեցւոյ Հայոց, այսու Հայրապետական Կոնդակաւս յայտնելով Ձեզ և ի դէմս Ձեր՝ աջակցողաց և ամենայն նուիրատուաց զսրտագին շնորհակալիս Մեր և համայն Ազգին Հայոց, օրհնեմք զամենեսեան և զթանկագին կեանս Ձեր:

Աղօթս վերառաքեմք առ Ամենաբարձրեալն Աստուած անցուցանել զբաժակն փորձութեանց և արհաւրաց ի Հայրենեաց մերոց և շնորհել քաջարի զօրաց Ռուսաց զյաղ-

թութիւն ընդդէմ թշնամեաց ի փառս Մեծին Ռուսիոյ, զի հաստատեացի խաղաղութիւն մշտապէս յերկրի և արդարութիւն ի մէջ ազգաց:

Ողջ լերսէք, զօրացեալ շնորհօք Ս. Հոգւոյն և յաւէտ օրհնեալ ի Մէնջ. Ամէն:

Ի 5 յունիսի 1915 ամի

Եւ ըստ Տոմարիս ՌՅԿԴ

ի Հայրապետութեան Մերում Դ. ամի

յԱրարատեան Մայր Աթոռ ս. Էջմիածնի

ի Վաղարշապատ

թ. 968

ՆՈՐԻՆ ՎԵՀԱՓԱՌՈՒԹԵԱՆ ՏԵՕՐԷՆՈՒԹԻՒՆՆԵՐԻՑ.

Նորին Սրբութեան մակազրութեամբ յանձնուեց ս. Էջմիածնի Սինօդին Ալէքսան Վերդիեանի փոխադրած յօգուտ հայ գաղթականների տաան և եօթ (17) ուրբլին, առաջադրելով մտից մատեանում մուտք գրել և անդորրագիրն ուղարկել նուիրատուին: 4 մայիսի, թ. 786:

Նորին Սրբութեան մակազրութեամբ յանձնուեց Սինօդին Պետրիգորսկի Հայկական հիւանդանոցի Յանձնաժողովի Տ. Յուսիկ արքեպիսկոպոսի միջոցով ուղարկած յօգուտ հայ գաղթականների երեք հարիւր (300) ուրբլին, առաջադրելով մուծել մտից մատեան և անդորրագիրն ուղարկել յիշեալ Յանձնաժողովին: 4 մայիսի, թ. 787:

Դիւանի գրութիւն Վրաստանի թեմական Առաջաորդի անունով, որով առաջադրուեց յայտնել Գանձակեցի Վասիլ Անանեանին Նորին Սրբութեան օրհնութիւնն ու գոհունակութիւնը՝ Գանձակի ս. Յովհաննէս եկեղեցուն նուիրած մի ջահի համար: 4 մայիսի, թ. 789:

Կոնդակ օրհնութեան և գոհունակութեան պ. Նիկողայոս Առաքելեանի անունով Բագուի ս. Լուսաւորիչ եկե-